

瓶

廬

詩

稿

瓶廬詩稿卷七

目錄

庚子二月得觀祝少英藏宋拓張遷碑乃寶山印
氏漚天閣故物雙鉤一通並題二詩

庚子

題趙次公灌園漫筆

客以河東君畫見示偽跡也題尤不倫戲臨四葉
漫題

重題明拓乙瑛碑殘本

山居杜門艱亭自郡過訪以扇索書己丑闌中用
壁閒韻詩則一字不能記矣賦此奉贈

題唐人書十一面觀自在念誦儀軌經

趙次公挽詩

代萊卿姪作

題家藏靈飛經真跡

沈石天畫藥龕和尚屬題

藥公得乾隆庚午邑先輩顧鈍伯畫蘭以爲三峯
故實余題此詩

無錫劉石香

繼增

調卿甥之好友也冒雨見訪調

卿有詩因次其韻

答調卿甥見懷

調甥過我山居

次韻劉石香寄懷二首

題湯貞愍山水卷

姚古愚狎鷗館校書圖爲張景韓題

爲奎孫題廉州畫卷即用卷中韻

爲姪曾孫之繕題西廬畫冊

題玉版十三行

爲金酉叔茂才鶴洲題慈烏村圖

畫蘭

畫寒鴉枯樹

辛丑正月五日訪藥龕長老於三峯下院藥公出

王東莊雪圖索題次卷中詩韻

辛丑

陳道復桃村圖爲藥龕賦

爲楊吉南題小蓬海外史畫冊

蓉洲王丈所藏宋拓小字仙壇記庚申之冬曾爲
題句蓉丈旣卒其家請瀕石楊公銘墓因以此拓
贈之今藏其嗣吉南獻叔處辛丑正月持以見示
開卷愴然用前題詩韻

白玉本十三行爲獻叔世講題

題張雨生畫

題王石谷留耕圖照

題王喻梅遺照

戲仿青藤道人紙鳶圖是日大風雪

題季文敏師舊藏顏井蘭亭

題李緘庵先生七十一歲小像

上巳有感

上巳書所見

題錢少甫秋江灑淚圖

題元僧世殊寫首楞嚴經

寫經冊有祖觀題字觀號覺阿吳中詩僧也道光

辛丑余曾見之

題雲間陸氏畫山水

送蘇菊圃表兄

寶成

還湖南任所

宋拓薦季直表爲徐子靜題

謝家橋古銀杏

大慈寺

題蘇書趙清獻碑

題費昶懷夫婦秋窗論畫卷

題丁生畫兼及彭君

題張公方碑爲汪柳門侍郎

維摩寺

題繆柳村遺像

散步聽田水

衡門

題繆文貞公硃卷

吾友吳儒卿

鴻綸

竹橋先生之曾孫也一日得范

公東叔贈先生敘褻卷命題敬賦二首

門人陸吾山

襄鉞

觀察浙江便道見訪賦詩為贈

次韻答之

題何子貞篆冊為趙生仲舉

題何媛叟書洞庭春色賦

題鄒芷汀文沅遺照

題太平有象硯拓本

自嘲

題薛慕淮葆槐母郭夫人萱闈課讀圖

題攜李計壽喬梅花西舍圖冊

題華亭賈淞山水矮卷用卷中林吉人詩韻

爲王聘三題瑯琊王氏九老圖

書楊德輿舒城殉難題辭後爲梅里鄭榮纘

爲知稼翁題潁井碎石

爲吳儒卿題舊本東陽何氏蘭亭

題儒卿藏舊拓懷仁聖教序

偕知稼翁破山寺訪桂未開

辛丑八月舊庖丁雍姓攜南皮相國小畫四幀索

題口占應之

從梅里至許浦口號

中秋月出復翳夜坐悄然見荆門畫漫題

送許丹廷表姪

聯桂

還江右

題張稚珊

仁勲

七十生子述懷詩

題戴文節畫扇

舟詣河陽山

訪河陽永慶寺寺在山腹

六朝柏雪附枝古跡也余驚歎之或曰非也

過蔣文肅公墓

界涇釐卡書所見

題楊西亭東塔圖

題蔣文肅畫花卉卷

題沈石友西泠覓句圖

臨蘇書摘頌爲補小圖

十一月四日過興福寺門

觀西螭題萬歲通天造象

題韓勅禮器碑

小除夕回城

瓶廬詩稿卷七目錄

瓶廬詩稿卷七

常熟 翁同龢 叔平

庚子

庚子二月得觀祝少英藏宋拓張遷碑乃寶山印氏漚天閣故物雙鉤一通並題二詩

東京摹刻俗工多雙下城旁校若何既且從畋猶不問
况論點畫小沿訛
未谷於雙城二字謂繆篆填空之法

問訊金昌祝少英從來貨殖有虧盈四門不閉興蠶務

幾見公方治穀城

藏碑之祝少英建紗麻於蘇州旋爲官款所困

題趙次公灌園漫筆

花農真合住花田借得奇書手自編不數世閒凡草木

知君心事在梅顛

君重修梅顛閣

冷笑廬陵作記人落花名號幾番新荷鋤抱甕非吾事
付與東風浩蕩春

客以河東君畫見示偽跡也題尤不倫戲臨四葉

漫題

纖腕拓銀鉤曾將妙跡收

在京師曾見河東君狂草擅帖奇氣滿紙可憐花

外路不是絳雲樓

重題明拓乙瑛碑殘本

庚子四月汪能亭攜示一本與此對勘拓手較

勝客退題此

成搏已入榕金匣

成搏美林和尚也

猶喜解溪有墨緣得見參

寥真面目談碑未了又談禪

是日龍亭又以宋刻參寥子集見示

三字三橫三折筆三年始去筆頭尖愴懷太華雙碑客

零落鄴侯三萬籤

李若農嘗言此碑三字入鋒雄渾用三年苦功始得其髣髴其新居建太

華雙碑閣有海
天浩渺之觀

山居杜門龍亭自郡過訪以扇索書已丑闌中用

壁閒韻詩則一字不能記矣賦此奉贈

一笑公何避客深江干車馬竟遙臨拋殘吳郡新詩本
漫說蘇州舊翰林影事久隨春夢斷爪痕還付雪泥沈

蠶絲正熟新秧綠聊話量晴課雨心

題唐人書十一面觀自在念誦儀軌經

光緒庚子五月望松禪居於墓廬超然有得於
萬物之表時曾孫之廉患寒熱類病癰者展此
經治寒熱病癰且以種種藥治種種病松禪
曰藥即是病病可已而藥無已也因綴二詩示
之

世運滔滔感不禁偶然失腳便浮沈
儒門自有長生法
第一真傳是養心

養心無藥亦無方動輒隨緣靜退藏
任爾邪風吹不去

蠲除芥子白檀香

經以此二物治癰

趙次公挽詩

代萊卿姪作

多病思故人時艱惜奇士遼哉非昔翁一與不再視丈
夫生世閒功名能幾何文字山水福所獲良獨多憶君
少壯時殺賊大江口搜身探虎穴喋血不肯吐洎乎歸
邱園自號花田農芒屨青簑笠見者疑坡公我世與君
舊結交等弟昂談禪證往迹春夢都無痕我疾君屢問
君病我不知桑戶與子張並世信有之或云世途險羨
君獨長往我謂人天劫菩薩亦懷愴故人不可見見此
金石心月落山鳥啼何處尋知音

題家藏靈飛經真跡

庚子五月京師拳匪事起七月洋兵入城 聖
駕奉 慈輿西狩而都中圖書金石掃地盡矣
此經以攜還江南免於劫火豈非厚幸然士大
夫立身不能濟天下之變徒以苟免爲幸亦可
恥矣漫賦一詩次吳槎客韻

狐鳴篝火眩妖符巨石風刀事有無敢道過江衣褶在
烽煙瀕洞滿皇都

沈石天畫藥龕和尚屬題

畫派兼收南北宗別開境界妙清空詩人各有千秋想

豈必衡量白石翁

嘗見石天畫跋推尊石田甚至乃或謂欲爭勝石田者妄也

劫火回風佛護持時時開看慰朝飢如何一掬酸寒淚

竟似河梁古別離

謂售畫之人

徐公鐵筆寫梅花遺迹多留浙水涯此畫曾陪詩縣令

故應供養梵王家

冊有鐵孫丈詩跋丈畫梅奇絕阮文達稱為詩縣令後殉粵寇之難

藥公得乾隆庚午邑先輩顧鈍伯畫蘭以爲三峯

故實余題此詩

佛說三千大千界我懷百五十年前山堂當日一揮灑

添得紛紛書畫禪

萬蘭叢中一竿竹勁挺森梢不能曲焦仙古洞獨出奇

蹙縮虬龍在空谷

此卷叢蘭中有竹一枝瘦而勁秀今日藥公以焦山曲竹杖見贈故戲及之

之

無錫劉石香

繼增

調卿甥之好友也冒雨見訪調

甥有詩因次其韻

九龍嶺下我曾遊第二泉邊屢滯留自歎累臣同屈賈
敢將餘子比曹劉空山風雨三椽屋滿地江湖一葉舟
莫續轉蓬攀桂句天涯何處閨中秋

今雨還同舊雨來愁顏應逐笑顏開三閭後裔空懷楚

屈蔭

堂司戶參軍尚憶台

陳幼庚

兩君

自有性情敦古

誼豈因詩畫掩奇才

石香江南名士通達古今兼工詩畫

挹青樓小纔容

席卻作元龍百尺猜

石香下榻俞氏挹青樓

答調卿甥見懷

六十年中事何從證雪泥

余年十四府試未畢聞姊病亟歸已不及矣

吾甥

已頭白羸老更顏低弔影天涯雁長鳴風雨雞涇南無

可說且與說涇西

甥住西涇岸余住南涇塘

調甥過我山居

吾衰方苦雨客至亦衝泥躡屐籃輿滑叩門風帽低茶
經泉有蟹野餉樹無雞不盡談詩話恩恩日又西

次韻劉石香寄懷二首

劉有寄漚書集圖取楞嚴空生大覺中如海一

井房言下
三
漚發之義

平生六鑿溷天游文圃名場亦暫留江上偶然餘一禿
世人猶自說三劉薄寒正蠟尋山屐夜雨偏回泛剡舟
萬衆天涯同悵望豈容宋玉獨悲秋

一漚一發一如來處處圓明性地開難得甘黃攣下澤
莫因寒拾鈍天台尖風冷月無邊相瘦竹孤花未易才
山鳥不知吟嘯事看人開卷輒疑猜

題湯貞愍山水卷

金陵城北大江東琴隱高名想像中十八畫人留一个

天教湯戴作雙忠

公與戴文節世稱二忠臣畫

湯公妙跡開廚走篋裏惟餘羣玉堂

余所藏米帖乃公舊物題識極多

詩畫淋漓徧江國故應配食米襄陽

姚古愚狎鷗館校書圖爲張景韓題

後生仰前賢儀觀森在目譬如適舊都下馬敬喬木狎鷗圖好在題識已成東遠者大父行近亦邑耆宿姚翁不及見一水支塘綠側聞臨水軒經史塞破屋俛仰百二年光陰如轉燭張君雅好事收皮祕函櫝介我知稼兄徵詩下及僕烏乎帝王都烽火莽馳逐圖書一大厄掃地鬼夜哭多難足興邦悔禍必獲福伊予性狂簡田野甘踈伏時時詢故老遇事多感觸新學肆頽波鉛槧

廢簿錄誰肯斂才華低顏事卷軸吾鄉雖蕞爾文學有
遺躅即論詩字派元氣有涵育禮樂儻再興世運行當
復敬告諸先生吾其齒鄉塾

為奎孫題廉州畫卷即用卷中韻

縹緲傳子復傳孫賸我孤舟泊水村昔趺重尋成一夢
夕陽雖好近黃昏染香庵裏蕭閑筆柏古軒中子細論
兄所居軒名似擬並几篋裏畫禪摹本在不辭刻畫斷冰痕
余有香光小卷粗相較量之

為姪曾孫之縉題西廬畫冊

此吾先五兄舊藏宋漫堂張晴嵐方葆嚴諸

公流傳有緒者也畫之神妙何待贊揚題詩誌感且以勛之

有明當季葉家國貼危餘世重奉常畫吾藏與子書奉常家書數十番述其時流言謗帖千危萬險又以役事破家貧不能給潔身因黨禍破產為官租天與傳忠孝清名在建儲謂藻儒相國

昔日重孫慶芝乎爾最先之繼生時有芝生庭先兄特喜命名曰之大椿猶

健在古柏亦欣然兄所居曰柏古軒即此墨林寶真同祖硯傳

立身要強勉不獨守遺編

題玉版十三行

是冊奚奴自都下攜來劫餘物也儒卿金門先

有題儒卿年八十四猶作小楷金門字既精緊
詩亦超然寒夜展觀因綴二絕

芙蓉閣上珠光豔機密房中酒興長一片江山已殘缺

有人鐫刻十三行

一作酣嬉歌舞平章業積壓文書機
連房一寸山河人不讓南朝猶說十

三行

回首東華迹已陳

前記題詩乃廿年前
東華門外酒肆事

江鄉吟社一番

新頗憐俞子詩成史猶喜吳翁筆有神

一作金錫感慨
詩成史稔老沖

夷筆
有神

為金酉叔茂才

鶴舂

題慈烏村圖

馬隊文人集牛行舊德多客尋朱鳥渡我敬老鷗窠

余

髮即知吾邑詩書舊族曰老鴉
窠裏金家故質言之以記里語
管畢家家墨機絲處處
梭側聞苦旱潦生計近如何
金村左近水道不修頗失水利

畫蘭

隴水無端西復東
南枝憔悴北枝空
莫言草木無情物
亦自徘徊冰雪中

畫寒鴉枯樹

昏鴉亦可憐
日暮尚翻然
切勿爭枝墮
風霜損汝眠

辛丑

辛丑正月五日訪藥龕長老於三峯下院藥公出

王東莊雪圖索題次卷中詩韻

春城萬戶喧蘭若自幽絕老僧喜我至迎笑展齒折釘
盤得甘鮮圖書亦羅列東莊有妙畫水墨互聯綴空明
淡蕩意即此是禪悅輞川與洪谷未暇量優劣承平風
雅事俛仰一飄瞥西望萬雲山煩憂忽炎熱

陳道復桃村圖爲藥龕賦

竟比停雲出一頭五湖老懶早歸休

白陽自稱五湖老懶

折枝破

墨尋常有如此溪山未易求

長橋流水自成村靈府何曾隔洞門寄語南陽劉子驥
人閒到處有桃源

莫子說經宗馬鄭趙君好古媿歐陽故人渺矣不可見

却到藥龍禪榻旁

此卷莫邵亭以贈趙能靜者兩君皆余舊識也

為楊吉南題小蓬海外史畫冊

吾宗小蓬海外史洞庭東山支也居吳江之平

望所畫花鳥蟲魚皆入妙品余幼時尚及見之

寄村

諱是平

雪舫

諱乘濟

吾家畫

兩公係叔姪吾家司寇公之後也

名與棲

霞老鶴俱

二公皆工花卉雍乾時與馬揚相後先

數幅丹青傳者少百年

文獻近來無卻看笠澤小蓬海足繼詩人驚脰湖

小海尊人

海村公書畫稱名家蓄金石極富自稱驚脰湖長

讀罷剪鐙重回首蘇齋邱墓

已荒蕪

吾翁氏在北平覃谿先生父子最著余訪得其墓表揚之今不可問矣

蓉洲王丈所藏宋拓小字仙壇記庚申之冬曾為

題句蓉丈既卒其家請瀕石楊公銘墓因以此拓
贈之今藏其嗣吉南獻叔處辛丑正月持以見示
開卷愴然用前題詩韻

蓉丈書律守晉法瀕兄筆妙兼剛柔二公一質一通敏
我獲師友同時求道光以來臺閣體峻拔競尚柳與歐
元和腳硬瘦金峭更有北派浩莫收顏公此書信奇絕
蹙縮尋丈歸寸璆不知巧工誰著手黃仙鶴輩煩雕鎚
憶當春明廟市盛金魚換此珊瑚鉤道州嘉善兩題記
皆歛老擊鋒芒道余年四十亦賡續蕪詞類句黃茅稠
略如少陵拜杜宇頗疑天寶開龍湫嗚呼 定陵北狩

日神京門戶勤綢繆吾儕未暇論文史時時北望雲山

愁

前詩題於庚申歲抄
正崇陽駐蹕之時

中興大政煥一變干戈漸戢禮

樂修如何客星犯帝座又見華蓋西南流乾坤蒼莽
倏卅載故人零落俱千秋草堂人日客攜示墨痕依舊
春雲浮撫時懷舊百慮集安能竟學忘機漚老夫浪語
客莫笑世論于今多謬悠

白玉本十三行爲楊獻叔題

雜還羣仙事有無神光離合太模糊陳思亦喜幽并客
未肯低頭受玉符

湖上平章亦可憐建儲送款巧周旋至今一片西泠石

賺盡書生十萬錢

碧玉清剛白玉肥較量波拂到纖微
近人別具談碑口頓覺承平老輩稀

題張雨生畫

雨生精於六法駸駸與國初名家爭席
不幸早卒遺墨漸湮其子耽伯以所藏摹古八葉屬題
展視數過感慨係之

筆力能通萬樹梢平生精詣在山樵
吳山漁尊黃古而後風

誰繼文董兼參字亦超君書仿停雲加以淡遠
豪興不因官況減

酒痕已逐墨香消東華一昔渾如夢
燒燭圍鑪待早朝

十年前君來京師除夕宿吾齋明日別去遂不復相見

赭山東望鬱蒼涼百尺樓高舊跡荒

君曾任海甯知州

父老尚

呼詩縣令郎君又見小歐陽黃齋白粥書生味畫篋書

囊傲吏褒他日敷文題字處先臣真蹟待平量

耽伯亦善畫

題王石谷留耕圖照

漁山補景

蘇謹按此非留耕圖也圖無農家景物而漁山

詩曰仍韻則前有闕佚可知詳詩中語氣亦非

施於儕輩耆長者也先生二子長字留耕而王

氏譜有壽田公者證以金詩所稱壽老意壽田

別號留耕歟圖中旁侍者其留耕歟圖貌石谷

先生則不得以留耕名之矣或留耕別有一圖
先生題其端而吳宋金三君和之後經散佚附
綴於此歟蘇旣得展拜先生遺像略爲辨證敬
綴小詩用漁山韻

不用王侯倒屣迎不煩奉几事先生桃花流水空山裏
自有書田自筆耕

心到歐羅西海邊漁山幻迹等雲煙題詩豈解留耕意

拋卻桃源數畝田

漁山旣奉景教浪遊不歸其志與先生殊途其借畫事乃後人傳會耳

二老相期訂耦耕捧歸祖硯見深情

謂揚研畬騎牛圖丈還圖事

已傳天壤此卷還應別署名

題王喻梅遺照

瑞峯茂才奉尊甫喻梅君遺像屬題是日得拜
耕煙先生留耕圖像既次漁山詩韻題於卷尾
復移其韻以題此卷用以見君家世澤之長也
門外千帆日送迎超然闕闕一書生君所居在大東門外其旁米市其外
則曠然好山青到東皋路悔不當年共課耕

古木新祠大道邊行人瞻拜識耕煙最難七葉雲仍裔
大啟三槐潤族田君舉辦善事多矣而經營義莊尤力

斯圖端合繼留耕二百年來愜慕情會與君家傳盛事

瑞峯循謹能文期其遠到老夫慚愧說科名君續刊虞陽科名記

井公言牙一
戲仿青藤道人紙鳶圖是日大風雪

寄語小孩兒寒溫總不知春風如此大吹破汝紅衣
讀書豈不好為恁放風箏綫斷猶能續書生到底生

題季文敏師舊藏穎井蘭亭

丹魁堂下老門生不盡臨文感慨情卻憶山陰修禊日

蠡臺何事竟渝盟

永和九年姚襄請降殷浩激使叛去右軍帖所謂蠡有反善之誠者指此也

神物蟠泥孔壁藏豈因補字損珠光

宋牧仲謂穎上蘭亭初拓類字殘缺

次拓則長官賢否關風教志傳應難合二張

跋碑者張登雲毀石

者張俊英也

一事差堪補軼聞神龍本又落淮濱

咸豐中有潁川李君為鎮洋縣令得

褚書蘭亭石攜歸余見其拓本即神龍本也

卜家片石今霾失

潁川石尚有片在州民

卜氏家

誰具甄推訪李君

鎮洋令李君不知其名

題李緘庵先生七十一歲小像

古之君子仕於朝以民物為己任退居於野則以教其鄉之子弟為職其道一也然其中必有超然萬物之表者以余所見則緘庵先生其人也先生長於余十餘歲自少至老無一日去書而沖夷澹遠意甚閑暇詩酒之會山澤之遊余常與焉今余歸而先生墓已宿草其嗣鏡宇茂

才奉遺像命題詩以悲之

志士局輦轂幽人甘槃適豈無珪組懷涉世恐嬖嬰之
子少篤學丹黃日紛羅上窺軒頡文下逮工藝科大道
會羣碎支港通洪河充然一碩儒後生賴鐫磨憶昔湖
江沸白日舞蛟鼉百室既蕩盡一家命則那庚申事歸來
睨空堂旅禽得舊窠世路苦偈仄我懷自委蛇十年前
見君白髮垂嗟嗟老病日以侵諄復語無訛猶云恤嫠
緯在事毋蹉跎己丑見時諄諄及恤嫠局事一別不見君見此朱顏
酡春山雨冥冥雜花委庭柯大雅不復作吾衰將如何

上已有感

今日修袂辰被除應更新欣欣菜麥秀浩浩江南春江
南雖云樂奈此燕晉秦輾轉尺一書述遭屬車塵皇天
覆萬物煦嫗無不仁會當敷大澤蘇彼矛遺民世運有
回斡時政毋逡巡頽然一釣叟飲泣西湖濱

上巳書所見

春社半臨流錫香豆粥稠鳴笳人讚佛偃幟客呼舟
惻情何極穰穰福自求親恩無可報忠厚即貽謀

是日拜香者俗云報孃恩

題錢少甫秋江灑淚圖

庚申之亂錢君少甫之母李烈婦避地五渠明

年賊至烈婦麾全家以免而獨身投水死少甫
是時年十一耳數十年來攀慟無已畫圖以紀
余題之曰秋江灑淚從其志也並賦此詩綴於

卷尾

孤兒牽衣慈母叱四十一年如昨日錢君頭白哭江村
欲寫此圖無此筆嗚呼此景安能圖圖成似有還疑無
汙汙一水荒塍在莽莽荒蔣落木疎憶昔虞鄉賊鋒橫
細弱瑯嫠并一命數語倉皇義類精死生決絕心神定
我昨言尋東澗墳在西山界河沿殘碑歎仰河東君河東一瞑
門風替豈若此圖傳子孫

題元僧世殊寫首楞嚴經

曩在京師得唐僧曉方基石及元僧世殊銀字
楞嚴六卷後有清珙題跋清珙吾邑人世稱石
屋禪師者也曉方唐時名僧亦吾邑人余旣得
之欲分置三峯與福兩寺先以經寄趙次公屬
送興福會興福主僧化去是經遂留次公家比
余戊戌還山謀諸次公以爲藥龍長老山中耆
宿又吾兩人之舊遊也盍以經歸之而次公不
幸遽卒其嗣坡生捧以還余乃於辛丑三月三
日以經六冊補書四冊都兩函致之三峯寺藥

公文室與所藏元刻首楞嚴經並皮一龕庶藉
龍象之力永鎮山門乎曉方石余出京時未得
攜歸屋既易主又遭拳匪之變聞燬去一半矣
因題四詩簡藥公

幻術陰魔世豈無阿難底事謗文殊黑風吹海祇林火
撼動摩尼髻上珠

山僧筆勢妙翩翩定與鷗波證墨禪洗盡經生纖仄態
永興庵裏綠蕉天

冊尾偏留字數行清公耆宿重諸方宋元遺跡無人問

吾邑周神廟宋牾今已失去

我自矜誇佛放光

棠梨花落杜鵑啼北墅淒涼日又西兼懷次公手捧白藤還一笑要公迎我過前溪

寫經冊有祖觀題字觀號覺阿吳中詩僧也道光辛丑余曾見之

覺阿真妙覺絕口不談禪五百梅花樹覺阿善談諧住庵日有五百株梅花樹恩恩六十年

題雲間陸氏畫山水

此畫余弱冠時得於京師舊有籤題雲間陸氏山水未之考也吳梅村有題雲間山人陸天乙虞山圖詩曰云是探微後代孫飄殘兵火遺名

姓則其畫無款識與此正同矣天乙名灝字平
遠華亭人其人當在明時嘉隆之際

漫說機雲幾葉孫華亭處處有高門偶然署款稱天乙
未欲留題印雪痕老去徧搜圖繪錄童嬉忽憶海王村
當時競賞名人筆可識無名道益尊

送蘇菊圃表兄

寶成

還湖南任所

流俗嗟庠隘高懷獨渺緜青衫百僚底白髮十年前
君長
鄉國春三月辰陽路幾千隨行無健僕早晚慎飡
余一
眠

吾邑人才盛君家德業尊廉公古循吏文采舊王孫薄

俸身常足遺書口尚溫逸峯姑丈藏書甚多何時歸興動期爾款柴門

宋拓薦季直表爲徐子靜題

平生僅見東沙刻老眼今逢宋蛻精歛盡神鋒入銖黍成侯心畫本和平

滿口娑婆不識佛天台山鳥勸君歸何如一切都捐棄

黑老虎來爲解圍

韓逢禧嘗學佛再髡而再髮後入天台遇樵者訶之曰滿口娑婆哄度日

云云此冊有韓印故戲及之黑老虎乃前跋中語也

謝家橋古銀杏

潮塘神宇靜突兀兩蒼官對立若相語孤擎良獨難雷

驚枝辟火秋老果登盤卻怪維摩樹頻經匠石看

大慈寺

不見招真治何緣訪大慈我尋一木殿

宋時有大僧誤

六朝碑

僧指斷碑爲梁碑實宋時鐘樓記

歷劫龕無恙

建文造象前重

榮樹有時鯨呿爾何物豈必繫安危

明時燬鐘

題蘇書趙清獻碑

元祐四年蘇公以翰林學士出知杭州史稱爲

當軸所不容其實公之得罪在邇英進講時也

公三月被旨此碑之刻在四月則將出國門時

矣其時臺章紛然積不付下公欲陳辨而不得

碑言仁宗朝重諫官之選蓋隱有所指此碑墨
本箸錄家皆未見西蠡吾友得此天一閣物海
內無二珍重贊歎輒綴短章

天一閣本世莫見丁君費君次第收英靈文字有契合

杭州流轉歸常州

丁松生杭人
西蠡籍常州

元豐元祐朝局換兩公宦轍先後同趙公惟與執政忤
蘇公乃致臺諫攻

力爭青苗常事耳一琴一龜未足竒蠹魚食此數行墨

高齋心迹微蟲知

碑缺一
千餘字

題費杞懷夫婦秋窗論畫卷

畫師世斗量幾人識畫理惟有賢豪流醞釀本書史蓬萊不欲住歸去弄雲水仙人在何許並几笑相視摩挲蘇米跡扶剔倪黃髓槃槃千古心併入數番紙秋風昨夜來關山渺千里孰云江南好雁訊雜悲喜以茲論畫法平量天下士宗派各分張真偽多疑似世人無可語良友深閨裏彼哉比翼圖富貴良可鄙

題丁生畫兼及彭君

少日揮毫氣吐虹晚來憔悴臥江東誰將學舍官湖地借與坡仙作寓公

劇憐左手高南阜頗似長洲沈石田我有長江圖一卷

精心摹擬笑耕煙

題張公方碑爲汪柳門侍郎

張公方碑宋拓本以蘇齋之博僅見汪容甫一本耳然容甫尚疑爲覆刻余往來南北乃見東里潤色全者凡三本何其多也竊謂談碑當以神韻論不僅以點畫論往見海豐吳氏本乃真古拓其次則蘇齋藏本缺畫已不全矣蘇齋曾寫三圖疊疊題詠今年四月晤柳門老弟於三峯僧舍出此共賞雖較前兩本爲少遜然神韻固已遠矣因題三詩和蘇齋韻

昔趺重尋廿載前墨花鐙影已茫然余曾鉤刻吳氏本要知蟬

藻籤厨本未到秦淮驛館邊吳本出於巴氏汪容甫先生未見故有覆刻之疑

騶騎雍容馳傳客京華風雪叩門人蘇齋本得之羅兩峯故畫贈碑圖又

以東平觀碑及與未谷諸公品碑為第三圖明珠豈是輕投贈四海悠悠孰

識真

白藤翠墨都繙徧更出公方洗眼看僧舍相逢還一笑

同心同暇本無難原詩有同心同暇得來難之句

維摩寺一舊事一新建

鼎臣姪孫信宿維摩歸言山中勝景信筆書此

維摩亦名利少小我頻經一樹隔江見古銀杏數峯當戶

青詩僧攜鉢去

道光時主僧吉崖略能詩一夕遁去

妙相散花靈

散花殿像設奇

妙當日桃源澗原無李尹亭

李公亭在維摩路上是時猶未建也

祇林重建豎綦迹倏淒涼尚待凌雲筆來題望海堂

寺僧

一虛重建比落成而僧化去

聖燈雜燐火煙舶點江光菩薩應微笑

何心攬八荒

舊有望海觀音像今無之矣

題繆柳村遺像

辛丑四月余在山中一日繆少村廣文

銷叩門

請謁以家藏名畫見示並奉其尊人柳村翁遺

像屬題三十年前余與柳翁相識僅知為名醫

而未知其收藏之富也今乃於其詰嗣得之感

歎不已繆氏所居曰柳陌西距河陽山三里而
近河流紆曲凡七折而環其廬古之詩人所謂
溯洄從之宛在水中者非耶翁之志事具見揚
張記傳中茲綴三詩次濠叟韻

徐市東偏柳陌西小橋流水得幽棲祇知本草經傳繆

明繆仲醇著
本草經疏誰識雲林閣仿倪

君家圖畫記林塘更溯高名述古堂

元時繆仲素有述
古堂其子叔明有

林塘
圖

怪底飛來黃鶴跡墨痕猶帶古時香

所收畫本皆
精尤以黃鶴

山樵
爲最

流俗頽波感慨深濟時須具孝慈心故人已
有千秋筆

賸我山中酒獨斟

楊張皆吾故人今並逝矣

散步聽田水

我戀江村景扁舟來往頻
農忙牛轉水路熟犬迎人隄
柳如藏霧籬花尚帶春點頭
不相識左右是鄉鄰

衡門

衡門之下可棲遲
真覺江村事事宜
巢燕居然分主客
井竈自解辨官私
借隄曬網漁家傲
分竈燒松稚子飢
信口獨吟還獨笑
近來詩句已無奇

題繆文貞公硃卷

文貞公事業磊磊塞天地
奚待贊揚此當日會

試殊卷葉臺山所賞拔者也故略舉其師友離
合異同之迹以見君子所處各有所難也

萬厯癸丑歲福清典春官炯然紅紗眼鑒此鐵石肝後
來進退際各各翔龍鸞豈伊議不合遽開恩怨端逆璫
肆虺毒首尾深宮蟠弗擊必爲妖擊之善類歟嗚呼元
臣心獨任萬古難欲將綢繆計靜鎮朝堂謹西谿殺我
語定知傳者謾即使出公口奚閒平生歡君子與小人
區別如蕭蘭旣云吾氣類忍作差池觀光緒辛丑夏積
雨五月寒端午日己巳弔古增悲酸爛爛三百年紙敝
印未刊誰言制義淺中有浩氣盤師友何足道所貴大

節完悵望東林庵弱植慚南冠

吾友吳儒卿

鴻論

竹橋先生之曾孫也一日得范

公東叔贈先生敘衰卷命題敬賦二首

一敘尋常耳流傳百卅年魂歸大江水

東叔先生後夢自光於江

斷小湖田款款真交誼恩恩况別筵從知性情厚自不

落言詮

三世楹書在曾孫九十翁

謂儒卿

攜筇來市上挾筴過牆

東屬我題詩句因之識古風碑陰先友記敢說柳州窮

兩先生皆嚴事者也

先祖潛虛公所小子其何敢辭

門人陸吾山

襄錢

觀察浙江便道見訪賦詩爲贈

次韻答之

主國民爲本匡時政在人大才當出世直道豈謀身我
相三千士惟君一个臣區區稻粱事夙志未云伸
臥疾江湖大長貧天地知上樓嗟腳輒照井覺顏衰詩
好愁來處書酣墨缺時老夫多倔強肯與世人期

題何子貞篆冊爲趙生仲舉

蟠叟篆勢天下奇如滕如鐵如蛟螭直將古意變斯凝
凡結繩而上追皇羲非昔先生振奇士圖書碑版兼鼎
彝收藏此冊來詫我意我俗眼駭且歎豈知我亦有奇
癖先得一本無參差呼樽並几發幽賞相視莫逆窮諧

嬉吁嗟非昔今何在舊山樓下絕履綦有時籃輿過君
舍路人怪我垂涕洟尋常草木尚敬止何況祕麓長留
貽遺孤抱冊忽致贈謂於日記中得之苦言惻惻不忍
聽展視惘惘若有思平生交遊徧天下名流韻士如風
馳葉潤景劍仲潘伯凋謝盡我篋不受一物遺森然
此例在朋友九原可鑒千夫知西風吹雨水游至遑恤
已病愁民飢錦鯨卷還坐悲嘯空堂且詠東洲詩

題何媛叟書洞庭春色賦

東洲居士好寫此賦余見數本而訛字不免此
趙坡生以贈之廉者也

竟致黃甘三百顆豈同烏有一先生東坡醉後忽長嘯

欲把西湖變洞庭

謂潁州西湖

坡書守駿還如跛緩臂騰空更出奇同是一般矜慎意
此中真際問誰知

題鄒芷汀

文沅

遺照

璇洲舊德啟高門還向東莊溯本源

吾七世祖參政公以鄒氏繼翁後

豈特通家稱孔李故應同出自丁桓扁舟鄉國過從數
樽酒春明笑語溫聞道劍光喬木在風流真不愧離孫

君爲蕩口華氏外孫逢秋其母舅也

珍重元章書畫船分貽遠寄意纏綿名碑敬一收藏外

青桐軒所藏
懷仁聖教

小札榕臺問答前

黃忠端寄喬拓田札二物皆君所贈歎我

悲秋人已老問誰銷夏錄重編雲東

姚芝生

句曲

張丙生俱

凋謝回首平生一惘然

浮世風波宦海深惜君未得早抽簪卅年不改書生面

凡三圖自二十九歲至四十九死難銷壯士心旅館總帷空寂寂墓門

宰木已森森杜陵別有傷時意人日題詩淚滿襟

題太平有象硯拓本

硯背刻文有正德字疑明內府物也坐兩山廬

漫爲詠之

師林鹿苑事微茫遠物何煩貢越裳無象太平還有象

要知人樂即天祥

大將軍檄四方馳豈有蛟龍起墨池卻怪姚江勲業盛

一篇程作刻奚爲

王文成硯刻山東程墨一首亦正德年作

自嘲

辛丑六月四日竟夕爲蚊所苦晨起作

松禪先生真賤儒半生出入承明廬黃金橫帶紫綬紆
謂非干祿誰欺乎忽然被放歸里閭所在編管如囚拘
家無薄田輸官租又無一椽安厥居雞棲斗室常沮如
革履滑漣衣被濡蟲吐蠅蝨蠅蟻蛆撲緣竟夕肱不舒
今年大水起兩湖豫章宣歙連杭衢浸淫漾衍來吾虞

吾虞北江南具區形勢汗下釜底如况挾盲風怪雨俱
田荒屋破民其魚先生雖貧樂有餘案有筆研架有書
奈何祇知謀一軀皇天鑒物無私儲汝篋名碑好畫圖
兼有古籍施注蘇胡不以之易貝珠亦足數輩厓羸扶
坐視戚戚何其愚嗟哉先生真賤儒

題薛慕淮

葆榘

母郭夫人萱闥謬讀圖

郭爲淮生侍御夫人袁爽秋之外姑也

苗夫人墓昌黎文夏千載後見袁君袁君一傳忠孝筆
世人贊頌徒紛紛偉哉賢母有賢子手抱遺圖淚盈紙
過江風雨黑如磐訪我山中我病矣夫人教子兼教女

女實漸西袁氏婦袁君拜疏天地驚舉室蒼黃無處所
攄乎奉教勿敢驕曰勤曰儉曰擇交辭也終身負母訓

痛念

先皇兩字褒

同治十年吾母卹典有賢母之褒諭

題攜李計壽喬梅花西舍圖冊

十二葉其精

畫龍已飛去詩句爲誰題惆悵高人屋聞湖西更西
清儀有佳句詩畫鄭虔官一錡寓言耳先生真達觀
索居村市遠歸老墓田蕪亦有寒花閣淒涼不忍圖

題華亭賈崧山水矮卷用卷中林吉人詩韻

華亭仙人已長眠右湄秀起康熙年當時太平氣象古
山川穆穆羲皇前雖然矮紙亦奇絕一掃萬壑澄風煙

老夫論畫如論史欲觀滄海先原泉時和物遂性情正
神韻綿邈秋毫顛苦瓜蜨叟非不好惜哉鑿破鴻濛天
爲王聘三題瑯琊王氏九老圖

果然海鶴出東溟奕葉朱顏照汗青孝義里兼通德里
少微星是老人星清芬我自悲傳笏古說猶能證與鈴
更喜柳南文筆在後生幾輩識儀刑

書楊德輿舒城殉難題辭後爲梅里鄭榮纘

國初諸老詞翰二十六番凡三十一人皆楊先
生殉難紀略後題辭也先生諱廷璧字德輿江
都人舒城縣教諭崇禎十五年四月張獻忠自

襄陽竄廬州而糾別賊攻舒城先生守西門城
陷被執罵賊死其妻汪殉焉其季子繼蕃被刃
蘇負骸出紀略一書其手輯也今紀略佚矣而
此冊鄒儒所稱汪傳者亦佚無繇知臨難慷慨
之狀惟江閩詩敘差爲翔實而通賊武弁孔姓
者則見於孫枝蔚詩中先生死難適當國變喪
卹未行然則所稱忠愍者殆私諡也揚州志及
舒城志不知詳著其事否滄桑已改碧血未湮
尋繹遺篇不勝感慨

鳳陽陵廟已全荒蓼六皖嚙盡戰場一片龍舒乾淨土

獨留博士死封疆

沈賊屢寇皖境最後乃破舒城而廬州陷矣

左軍避賊倏西東一柱惟聞有史公收禮遺孤歸幕下

可知同志有雙忠

其子括庵即繼蕃也史公絕命時相持痛哭見曹復彬詩

赤眉碧眼互睚眦此事蒼茫近代無死節死忠同一哭

千秋風槩是吾徒

觀此冊因感門人王祭酒袁太常諸公

爲知稼翁題頽井碎石

明嘉靖中頽上人發古井得蘭亭黃庭石刻甫

拓數紙而蘭亭類字已殘爲一俗令妄補大可

憎崇禎間縣令張俊英者惡上官索取推碎之

縣民卜氏得一片極難拓即此本也

神龍遺跡久銷沈，頽井翩翩筆勢尋。天與俗工除類筆，

明珠原不受塵侵。

此碎石類字已毀其半適當俗令所改處 右題蘭亭

照誤爲昭，兒誤完，紛紛摹刻太無端。越州祕閣渾難辨，

且作停雲海字觀。

石雖一角可比樂毅海字不全本唐以前照字讀平聲照照即昭也

覆本作昭謬甚至兒堅之兒竟刻作完更不足論矣此殘石適有此兩處故附記之 右題黃庭經

爲吳儒卿題舊本東陽何氏蘭亭

此東陽何氏初拓本，裂痕尚淺。明季所拓則筆

意鈍減而墨花亦多矣。儒卿三兄於庚申避賊

時珍重祖澤，攜以自隨，嘗置之荒江露葦中。此

一段故事，豈昇山落水所可擬哉！四十年後白

頭昆弟復得展覽不勝欣幸

欣字中間複一行維揚流轉到東陽平生不信姜俞輩

卻取偏旁細較量

東陽本向之所欣欣字一行往往重出裴漢時多割棄之

一帖無端性命輕葬齋畢竟是書生過江衣褶勤收拾
中有承先啟後情

題儒卿藏舊拓懷仁聖教序

此本蠶蠟渾厚是宋時物與何氏蘭亭皆庚申

倉皇兵火中攜出者也

戶口冊牋真古厚積書巖本最清雄華亭自是飛仙訣

未抵良常下學功

余曾見良常所收宋戶口冊拓本不知即是馬半槎所見否

稼翁九十猶強健講德論文我所尊此是君家真祖硯
懷仁不愧右軍孫

偕知稼翁破山寺訪桂未開

輕輿經北陌散策入香林此寺古來古

唐時已稱古寺

一山深

復深攀時吾有憾斫卻爾何心詩石空依壁寥寥千載
音

吾聞破山側有寺勝高林

高林寺在興福左近綱堂告余寺有高林魏浣初記石尚

在而人莫知矣鐘鼓空山答松篁別院深摸碑前代蹟禮塔老
人心興廢尋常事惟聞澗水音

辛丑八月舊庖丁雍姓攜南皮相國小畫四幀索

題口占應之

北風吹酒醒不見花開處寒香與清氣併入幽人句攜

杖欲相尋翠禽忽飛去

右雪後園
林詩意

鶴峯南畔小茅廬湖水微茫曉靄初我有五洲煙雨卷

不知持較復何如

右仿米
雨山

畫樹須能轉香光語最精盤坳中有節枯筍兩忘情大

壑龍蛇起荒原風雨驚人閒凡草木有福老承平

右竹
石老

槎

鹿床歸臥好湖山忽躡長虹去不還看取弱毫揮灑紙

淋漓生氣滿塵寰

相君垂老意侵尋見獵依然喜不禁猶憶殿廊同夜直
竟裁疏藁寫寒林

右仿戴文節樹法

從梅里至許浦口號

北去溪流曲似之長橋活板最相宜潮來潮去渾無定
客與舟人兩不知

魚鹽小市路難行行過長橋上海城斜倚獨輪且長嘯
路人齊說老先生

怪我何緣兩鬢皤卻來東海看濤波眼前指點狼山好

差勝當年春夢婆

海壖茅屋老婦人指狼山曰客胡不往遊

潮頭衝突挾泥沙旋向中泓逼兩涯我道平灘是船步

不知船底有人家

人言岸日埤日過數年前屋俱在水中

中秋月出復翳夜坐悄然見荆門畫漫題

木葉蕭蕭柳已黃回汀曲渚路茫茫不知懶瓚何情緒
祇說江南未下霜

一輪才吐暈微黃又見浮雲白渺茫我不勝寒何足道
瓊樓玉宇有風霜

送許丹廷表姪

聯桂

還江右

海上觀濤日山中訪桂時居然來遠客慰我久相思世
事驚棋局衰容感鬢絲石鐘舊遊處題句問誰知

竿牘非吾事論材有大公青氍廉吏後玉斧舊家風且

祕懷中刺應收爨下桐樸誠天鑒在慎勿歎途窮

題張稚珊仁勲七十生子述懷詩

吾聞八閩有陳氏九棘三槐蔚杞梓當年麥麩過田家

七十一翁舉二子

侯官陳氏之祖因食麥麩納農家女生二子歷後累累印綬支分派別幾

及萬

又聞蘇州太守李厥父勤勞績治水八旬解組樂

林棲喜聽啼聲雛鳳起

河南李薇生為吳郡守其尊人生太守時年已八十矣張

侯矯矯人中龍青油幕下常從戎辭官養親歷患難培

養元氣藏神鋒惟餘一念在民物欲令斯世無痲癢作

堂開局百事理我雖善頌安能窮皇天佑民理可測不

重浮名重隱德果然肇錫石麒麟頭角崢嶸善知識近

來顏風務貨殖往往驕奢鮮隱惻得君數輩維持之天
亦遲回藉人力張侯張侯聽我歌我今窮老依巖阿自
炊黃米營一飽其如沙渚飢黎何赤嵌回首多濤波吳
門春釀朱顏酡聊徵二事發君笑閩與吳皆張君所宜游位育堂
中有太和張君主位育堂舉各種善事

題戴文節畫扇

廿載內廷書畫史

湘鄉公語

半生湖海地行仙曾經食筍齋

頭見簞帽青衫意灑然

吾年二十見公於登懷園公將歸矣

圍城絃誦有餘聲慷慨從容孰重輕一卷禮經傳不得

更無人說邵先生

錢唐邵位西先生與公先後殉節

愈澀愈生筆愈靈當年妙語我曾聆

先生論畫如此

可憐十月

江南景一角殘山分外青

舟詣河陽山

襆被經行便扁舟坐臥俱買魚停大墅淘米過西湖
穡事從頭數橋名信口呼偶然逢野老相與話前途

霜清天宇肅四望極空明野樹兼紅綠秋原半穫耕魚

蝦隨地有鷗鷺傍人行卻念乘槎客何時達帝京

時奎孫北

行

訪河陽永慶寺寺在山腹

一徑繚而曲三峯斷復連微聞龍有角不道藕如船

形家

言如藕節擔竹尋牛迹炊松塞竈煙門徒是山鳥且與共參
禪雞僧應門

六朝柏雪附枝古跡也余驚歎之或曰非也

突兀蒼虬腹居然雪附枝圖經頻著錄父老尚然疑君

問千年物今無片柿遺寺有二柏大可蔽牛者經粵寇伐去書生空昵古

耳食竟如斯

過蔣文肅公墓

丞相祠何在高墳說蔣公紹封新赤帝世職已斷今始再襲餘韻

舊青桐直節委蛇際訐謏閔默中後生太狂簡無淚灑

秋風

界涇釐卡書所見

客從何處至攜杖獨徘徊豈是催租去將毋漏稅來縫衣新製豔臥鼓老兵回昨日鹽船過牙門未敢開

題楊西亭東塔圖

癸甲閒得此畫於京師亦漫置之耳戊戌放歸賃張氏屋適當塔下明年余徙南涇塘而斌孫又賃此屋蓋日夕與翠堵坡相周旋也辛丑九月題詩示之

自我歸田廬田廬無可歸賃居方塔下閑戶聊息機但聞鳥鳥音不覩金碧輝或云當鼎新衆論多從違阿弋

從北來亦苦無枝依我遷歟遂留雁燕相代飛屋西一
畝地卉木頗芳菲豈無三宿戀恐被佛祖譏憶我數年
前服官居京畿退朝見此畫中夜發長歎罡風相輪墮
劫火城郭非豈知投老年於此寄荆扉萬事會有定達
者審其幾且吟塔下詩毋爲歎朝飢

題蔣文肅畫花卉卷

策策西風落木疎雁遲馬疾瞻川途誰持一卷蕭寥筆
來慰空山老病夫

略仿彝齋小折枝墨痕如水氣淋漓知公不數容臺集

此是熙朝極盛時

作此畫時公由
司農擢長春官

矮紙曾題字數行
旁人怪我語蒼涼
湖山自是幽人福

漫與前賢並較量

戊戌二月得公畫卷與此適同余詩有榮枯開落原無定才了官書已白

頭之句迨四月放
歸若爲之兆云

題沈石友西泠覓句圖

呼船松木場放魚
三潭裏言過退省庵
主人臥未起山
雨忽然來淋漓透巾履
彈指卅六年名流去如水

客從城中來示我石友詩
石友洵奇士妙句偶得之詩
人貴成名豈屑流俗知
安得揚鐵崖爲編竹枝詞

西湖竹枝

詞有吾鄉繆叔
正先生一首

臨蘇書摘頌爲補小圖

荆溪安得千頭橘陽羨曾無半畝田
公自飛行太空裏我猶執著小乘禪
荒村燈火題詩處橫野青黃讀畫年
爲補一圖見公志人生何處不隨緣

十一月四日過興福寺門

別有蕭條景寒楓擁寺門
泉喧龍有喜風定佛無言
地

前碑留字橋石屐著痕

席家墳近在寺側其碑雍正中立係畫清寺界而僧不知以爲

席氏墓碑也

可憐八叉手無處弔詩魂

謂席梅生此墓或是其家遠祖

觀西螭題萬歲通天造象

白髮將軍老守邊
裴岑侯集與周旋
仙人爲指唐時石

似識登封萬萬年

陸湘林先生好道久任伊犁將軍此造象從西域攜歸京師

題韓勅禮器碑

新學滔滔重狹狹六經厄運有乘除已無拭履鍾離意
況說脩書董仲舒

小除夕回城

木石從人誚汙萊待我開長生鵝鴨福小試米鹽才畫
地原無囤占風亦有臺鄰翁欣一醉昨夜賣柴回

瓶廬詩稿卷七